

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Dissertatio moralis de religione hominis secundum legem  
naturae**

**Wernher, Johann Balthasar von  
Götz, Johann Heinrich**

**Lipsiae, 1698**

**§. XIV**

**urn:nbn:de:bsz:31-102660**

tendit ad volendum bonum & aversandum malum ab intellectu ostensum. Dividi ea communiter solet in Voluntatem *naturalem* & *liberam*; illa dicitur, qua seipsum DEus vult; est enim DEus ob summam sui perfectionem haud dubie primarium voluntatis suæ objetum. Libens autem est, quâ DEus ita aliquid vult, ut possit etiam non velle; Quo modo DEus in omnes creaturas fertur; neque enim ex necessariam habitudinem ad divinam voluntatem importat. Voluntas DEI libera est rursus vel *efficax*, quâ DEus aliquid vult ut ipso actu efficiendam, vel *inefficax*, quâ DEO aliquid placet in se, ita tamen, ut nolit ipso id actu produci; qualis tamen voluntas in DEum cadere non videtur. Efficax rursusabit tum in *antecedentem*, quâ DEus aliquid sine respectu ad circumstantias vult, & *consequentem*, quâ, positis circumstantiis, in objectum fertur; tum in *absolutam*, quâ aliquid vult simpliciter & sine ullâ conditione, & hypotheticam seu conditionatam, quâ aliquid cum conditione vult. Nota etiam Divisio voluntatis divinae in *signi* & *beneplaciti*; illa est nihil aliud, quam effectus aut objectum volutatis divinae; Hæc verò dicitur ipsa interna DEI voluntas, quâ in objectum fertur. Unde hæc propriè, illa impropriè Voluntas dicitur, malè autem hanc distinctionem a Reformatis applicari, Theologi demonstrarunt.

#### §. XIV.

*Scientia* DEI itidem multum ab humanâ differt. In homine enim præsupponit antecedentem ignorantiam, & ejus acquisitio importat passionem. In DEO autem scientia sublimiori longè modo existit ab omni imperfectione libera; quatenus nimurum DEus cùm se, tum omnes res alias sine Discursu aut specie intelligibili per se & immediatè cognoscit. Et est ea vel *naturalis*, quâ seipsum DEus cognoscit, quæ Cognitio velut  $\alpha\chi\epsilon\tau\pi\Theta$ - est, juxta quam creaturam, tanquam  $\alpha\chi\epsilon\tau\pi\Theta$  conformanda; & cæteras res omnes ut mere possibles, sive quatenus produci queunt; & *libens*, quâ DEus ab æterno cognoscit res, tanquam certò ob factam ab ipso determinationem & decretum in tempore futuras. Quibus addunt *scientiam* DEI *mediam*, quæ pro objecto habet futura conditionata, sive inter meram possibilitatem, & certam existentiam intermedia. *Sensus* cùm DEO tribuuntur, item *membra*, id sine dubio impropriè, vel analo-

analogicè intelligendum est; quatenus per ea Attributa divina præ imbecillitate nostra exprimimus. Examinat etiam Pufendorf. v. l. An possibilis sit pluralitas Deorum; & id rectè negat. Cum enim Deus concipi non possit, nisi tanquam Ens summè potens, summè sapiens &c. intelligi non potest, quomodo præter unum tale Ens, adhuc aliud existere possit; cum & alias in eodem genere duo aut plura summa dari repugnet. Accedit, quod per ius infinitum in DEO nihil aliud concipiamus, quam, nihil in rerum natura existere, juxta quod mensurari perfectiones divinæ possint. Contradiccio proinde foret; duos infinitos, sive Deos dicere, cum unus alterum absolute necessitate excludat. Atque ex his quæ dicta sunt, concludit laudatus Autor, in exprimendis attributis divinis utendum esse terminis *negativis*, quibus non tam exprimimus, quid sit Deus, quod capere non possumus, quam quid non sit; vel *superlativis*, quibus insuimus, nos majus quid eo, aut perfectius mente complecti non posse, vel denique *indefinitis*, quibus certum perfectionum in DEO existentium gradum non determinamus, quod & intellectus nostri captum exuperat. Excluditur proinde hic stolida nonnullorum acrualorum intemperantia, qui ita perpetuò inani subtilitate suâ infinitum illud circumludunt, ejusque contemplationi inhærent, qualiter tandem exhaustire illud, siue ingenii limitibus circumscribere possint. Satius enim longè est, immensum illud devoto silentio, & tacitam mentis veneratione mirari, quam superfluo imbecillis ingenii acumine timari.

### § XV.

*Rectus in Deum cultus*, quem respiciunt potissimum propositiones practicæ, nihil aliud est, quam cogniti Numinis veneratio certis legibus Naturalis Juris definita. Colitur autem Deus duplice cultu, interno & externo. Ille est, qui in animo & ex animo DEO vero precies concipit, laudes, grates. Hic autem, externus nimis, est, qui eadem per gestus & signa expromit. vid. Lips. Polit. L. I. c. III. §. 1. 2. Conf. Musatum Introduct. in Theol. cap. 2. Fundamentum autem concipiendarum precum, laudum & gratiarum est honor; qui est nihil aliud, quam aestimatio alterius, seu opinio alienæ potentiae conjunctæ cum bonitate; & hic honor non in honorato, sed hono-